

Vintanne

Vulesse di ca vòlano
'e juorne e sti penziere
nun so cchiù comm'ajere,
nun penzano cchiù atte!

Ma quanno ll'ore pàssano
e 'o sole s'annasconne,
mme pare ca nu suonne,
cu lloro, se nne và, -

Vulesse di ca st'anema
è stanca sulamente,
ca passa alleramente
'o tiempo senz'e te!

Ma quanno 'a notte è tennera
e 'ncielo 'e stelle trèmmmano,
'nta ll'uocchie mme suspirano
ddoje lacreme, accussi, -

Vulesse di ca mòreno
tutt'e speranze meje,
'e suonne fatte ajere,...
senza sapè pecchè...!

Ma quanno e juorne schiàreno
e 'ncielo saglie 'o sole,
è ddesiderio, è ammore.....
è vvita,.... 'mpietto a mme.